

太上三元飛星冠禁金書玉錄圖

太上老君於鶴鳴山 以金書玉錄付天師張道陵 道陵稽首 長跪啟曰 臣鄙下凡賤 枯骨餘生 特蒙太上賜以上真要法 臣見魔俗混雜 今天下大魔不伏禁戒 動與虎狼五疫故氣傷人者 眾治生難為 幸遇聖尊 願垂哀愍 太上告道陵曰 夫人心為萬化之主 若能存其神 神乃依於人心 為萬化之主 若能知其神 神乃守於人 子不知其神 神乃離於人 子能存其言 神乃反於人 為此三宮悲號 五神離身 此乃魔從內起 鬼自外來 鬼魔益歡 神變為賊 落生名於左契 注死錄於右宮 兵病來傷 豈延遐壽 所以吾常愍之 子今問我 知子志哉 吾為子說三五盟威正一之道 諦信受之 勿示非人 子可長生 辟除萬禍 三災不染 九橫難侵 水火之災不可近耳

冠五星七元

乾金星	元木星	亨水星	利火星	貞土星
乾在頭	元左耳	亨右耳	利右肩	貞左肩
魁左肩	酌右肘	醺右肱	魁左股	醺腹上

太上三元飛星冠禁金書玉錄圖

清微藏書閣

黠心上 醺左乳

右如此觀之 五斗成也

陰思咒曰

四神相衝 五斗來扶 千災散滅 萬厄自除
吾今行事 背孤擊虛 是何小鬼 敢近吾廬
天丁力士 動即盡誅 急急如律令

冠七斗法

一魁左手	酌左肘	醺左肩	魁心上	醺右肩	黠右肘	醺右手
二魁右手	酌右肘	醺右肩	魁心上	醺左肩	黠左肘	醺左手
三魁左手	酌左肘	醺左肩	魁心上	醺右股	醺右膝	醺右足
四魁右手	酌右肘	醺右肩	魁心上	醺左股	醺左膝	醺左足
五魁左足	酌左膝	醺左股	魁心上	醺右肩	黠右肘	醺右午
六魁右足	酌右膝	醺右股	魁心上	醺左肩	黠左肘	醺左手
七魁左足	酌左膝	醺左肩	魁心上	醺右肩	黠右肘	醺右手
右冠之七遍	其星繞絡身形	萬鬼摧伏	百靈衛護	玉曆題名	注筭	延年益壽
骨變真金	上昇霄漢	久修鍊之	無不應驗	勿		

示非人 慎之慎之

光冠五星七星七元 五屋者 乾元亨利貞 七元者魁昴臙臙

冠五斗二十八宿法

一角左手 亢左肘 氏左肩 房心上 心右股 尾右膝 箕右足
二斗右手 牛右肘 女右肩 虛心上 危左股 室左膝 壁左足
三奎左足 婁左膝 胃左股 昂心上 畢右肩 觜右肘 參右手
四井右足 鬼右膝 柳右股 星心上 張左肩 翼左肘 軫左手
五魁頭上 昴左肩 臙右肩 魁左股 臙右股 臙左足 臙右足
右冠星之法 最為上教 玄妙之要 懷而行之 何道不成
何鬼不伏 無不欽降 此乃神仙祕密之文 若至人得之 切勿妄傳
此關星動月 驅神役鬼 驗不可測 若妄傳非人 殃及自身 延
及七祖 勤而行之 早成仙道也
凡欲修仙學道 可於正月一日已前 立於清淨之地 面向北
朝元君四拜 元君者 元始開天是也 二名聖母 若不朝聖母 學
道不成 當告啟曰 臣下境之人 胎生凡賤 雜穢腥濁 觸撓囂塵

太上三元飛星冠禁金書玉錄圖

清微藏書閣

殘喘腐骸 腥血之命 特沐玄蔭 得反餘生 幸蒙累世崇真 福
留後葉 敢將糞穢 不懼天威 好道樂仙 至誠玄奧 伏乞神光密
照 得超不死之門 至聖垂恩 願賜之衛 辟除災害 共道合然
次三啄齒 陰思五星 次思左手中歲星 色如青寶 次思右手
中太白星 色如白寶 次思頂上熒惑星 色如火珠 次思心中鎮星
色如黃金 次思足下辰星 色如黑玉 皆神光洞照一身 陰思咒
曰 五星鎮形 光照玄冥 千神萬聖 護我真靈 巨天猛獸 制伏
五兵 五天魔鬼 亡身滅形 所在之處 萬神奉迎 急急如律令
次冠五斗訖 卻思五星 於我身上變化 次思左手中歲星 變
為風輪 頂上熒惑星 變為猛火繞一身 思鎮星在心前 化為黃金
鎖甲 纏繞一身 思右手中太白星 變為金剛神劍 劍有鋒刃 皆
放炎光 思足下辰星 忽變江水 須臾成海 中有五龍出見
次思神訖 而陰咒曰 五星鎮形 光照火精 保我五體 鎮我萬靈
六天魔鬼 動即斬形 急急如律令
次思天罡大煞 氣從天罡上來 其氣內黃外黑 直至吾前 吾
以鼻吸之十二息 而陰咒曰 大煞真氣 內陰外陽 保我軀命 除

邪辟殃 山精魍魎 土地地強殤 赤口白舌 蟲蛇虎狼 害我者死
謀我者亡 愛我者吉 奉我者昌 萬神摧碎 伏匿天剛 急急如
律令


將左手撫心 右手摩頂 暗思魁星在右手 魑星在左手 魑星
在胸前 而陰咒曰 魁星大煞 鎮我心原 外辟五兵 內除五瘟
當我者迷 謀我者凶 逆鬼凶人 於我何論 急急如律令
將左手撫心 右手指天陰 思魁星在右手 魑星在左手 魑星
在頭上 咒曰 陽明真氣 冠我朱陽 辟除萬害 逆及逆殤 盜賊
凶人 蟲蛇虎狼 謀我者死 害我者亡 赤口白舌 伏匿魁罡 急
急如律令

反右手指背對心 左手指心 陰思魁星在右手 魑在頭上 魑
星在左手 而陰咒曰 明明正氣 主在天魁 鎮在絳宮 辟除非災
何神敢住 何鬼敢來 千聖萬鬼 伏我天罡 急急如律令
兩手扶三台星為華蓋 陰思上台星官虛精 在吾左手中 次思
中台星官六淳 下台星官曲生 在右手兩膝下
吾頭戴華蓋 足履魁是 地網八極 天羅四張 北斗落死 除

太上三元飛星冠禁金書玉錄圖

清微藏書閣

災滅殃 南斗上生 壽命延長 所求如願 所在吉昌 中外強殤
動即盡亡 急急如律令
冠諸星畢 每夜臥時 陰思此咒 先於床前乘虛禹步或九跡步
禹步 九跡步



臨臥時 林前陰咒曰
反履背床 除邪滅殃 天帝獄吏 禁鬼夜行
重即腰斬 輕即全生 不輕不重 截鬼兩肱
右月左日 各去我眉間二寸五分 北斗七星
周圍一室 急急如律令

老君告道陵曰 汝行大事 須修拜星之法 若不知其法 天靈
不護 邪魔來傷 惡人謀害 天行毒氣 兵甲時起 因茲染傷 及
至無常 宜修鍊此上妙之法 當勉也 不得傳與積惡之人 輕泄真
文 殃及己身 上延七祖 慎之慎之
老君曰 此者群仙之法 子能行之 當得長生久視世間 人不
能長生者 為天魔結其罪也 若修鍊我法 必得無諸災橫 壽命長

延 福流於後無窮 若非人示之 殃及七祖 身填黃河 言畢 道
陵敬受教戒 稽首奉行

步九宮斗訣

斗要妙	十二神	乘天罡	威武陳	氣彷彿	如浮雲
七變動	止應天	知變化	右吉凶	步斗宿	天關前
入六律	持四禁	傍天英	履天任	擁天柱	接天心
從此度	登天禽	倚天輔	望天衝	入天內	出天蓬
斗道通	剛柔濟	天富祿	清冷淵	入杳冥	千萬歲

太上三元飛星冠禁金書玉籙圖竟

天運壬辰年亥月正一天師清微弟子洪鼎堅羅大英恭錄彙編

太上三元飛星冠禁金書玉籙圖

清微藏書閣